

Nā Nīnau Ho'ono'ono'o

He mau nīnau ho'owala'au a hō'eu i ka hana pili i nā wikiō Kumukahi



Kumuhana: **LOINA**

Mokuna: Ka'a'ike

Māhele: Nā Kānaka

Hoa hele: Keola Akana

Kama'āina: Ekela Kaniaupio-Crozier

Paena: http://www.kumukahi.org/units/na_kanaka/kaa/loina

Nā nīnau kiko'i

1. He aha ia mea he loina? No hea mai ka loina? He mea nui nō paha ia? No ke aha?
2. No ka loina, 'a'ole paha ia he hana nui wale nō. 'O nā hana li'ili'i pū he loina nō paha o ka 'ohana. He aha kāu mau loina 'ohana punahele? Pehea i pa'a ai ia mau loina iā 'oe?
3. Pehea i 'oko'a ai nā loina o kou 'ohana me nā loina o nā 'ohana o kou mau hoa aloha? Pehea i like ai?
4. I kekahi manawa, 'a'ole hoihoi nā 'ōpio i nā hana le'ale'a a ko lākou mau māku'a a kūpuna paha. E komo paha nā 'ōpio i nā loina o ka 'ohana ma loko nō o ka hoihoi 'ole, 'a'ole paha? No ke aha?
5. E kaha ki'i i ka mo'okū'auhau ma ke 'ano he kumulā'au nona ke kumu, nā lau, a me nā lālā. Ma kahi o ke kākau 'ana i nā inoa, e helu i nā loina a me nā hoihoi o kēlā me kēia lālā 'ohana. Ua like paha nā hoihoi mai kahi hanauna i kahi hanauna? 'Ike 'ia anei kekahi 'ano lauana?
6. Ma kekahi mau mo'omeheu, he mea ho'okano ka 'ai 'ana me ka hāmama wale o ka waha. I kekahi mau mo'omeheu na'e, he hō'ike i ka 'ono o ka mea'ai. Ke kipa kākou i ka hale o kekahi 'ohana a e huaka'i paha i ka 'āina 'ē, pehea e mahalo ai i ka loina o nā kama'āina?

Nā nīnau laulā

- He aha nā ha'awina o kēia wikiō e pili ana i ka 'ike Hawai'i a me kona mau pono no kēia au e ne'e nei?
- Pehea e pili ai ia wikiō i kekahi mau hi'ohi'ona o ka mo'omeheu Hawai'i āu i a'o ai a i 'ike ai paha?
- Pehea kākou e ho'omau ai i kēia mau hana ku'una Hawai'i i kēia mua aku?